

Dasinh Lai Fuengsik Doidoengh Vunzlai Gak Cuz Doxcaez Hwngfat

Gyawj geij bi neix, Cungzcoj Si Dasinh Yen guh' ak canjnieb, hen ndei dieg henzguck, gaenxmaenx doidoengh vunzlai gak cuz doxcaez hwngfat, mboujduenh couqmaenh gij eijsik caezcaemh Cunghvaz Minzcuz.

Dasinh Yen haenqrengz yungz-hab lijyouz, genhgoj, gooj daengj canjnieb saekheu, cingjhab ngaenz hanghmoeg. Sam bi daeuj, laeng

baihgwnz aeu ndaej gij ngaenz hwngfat siujsoq minzcuz 5606 fanh maenz ngaenz, hwnqguh gij mbanj miz daegsaek, sezsih giekdaej canjnieb miz daegsaek, gaj ndei dieg seiqhenz vunzyouq daengj 66 aen hanghmoeg, miz 68 aen mbanj aeu ndaej hanghmoeg guh.

Dasinh Yen haiguh gij hozdung "mbanj ndeu cwzloz ndeu", hawj

giyez minzyingz bae fugsach canjnieb saenqhwnz. 148 aen giyez minzyingz caeuq 148 aen mbanj gietdoh bangrex, guh oij caqdangz, haeux ndei, makmoiz, mou, vaiz, lijyouz daengj canjnieb miz daegsaek. Yienh de lij damqra baenzlawz guh "densangh + gij huq nungzyez miz daegsaek", youq gwnz muengx cigboq gai huq, hawj huqdoj bi dem bi gai

ndaej lai.

Dasinh Yen dazyinx vunzlai dieg de biujyienj vwnzyi gwnzbiengz daengj hozdung vwnzdij. Youq mwh "Sam Nyied Sam Gvangjsih", Cietroengz-doengh daengj ciethiq cienzdoengj haeujlaeg son' gyauq lwnhgangj gij eijsik caezcaemh Cunghvaz Minzcuz, gangj ndei gij goj minzcuz doxgiet.

(Lungz Yenyinh/隆艳英)



"Aen Lamz Byaek" Nanzningz Byaek Lai Gyaq Cingqciengz

Gyawj cieng lo, gak aen hawciengz nungzmou Nanzningz Si baij gai lai cungj byaek, byaek lai gungq ndaej hwnj hawciengz, gyaq byaek caemh cingqciengz. Nanzningz Si caeuq aen dieggiek ndaem byaek gyagiengz doiqciep, lai roenloh sou huq, caenhrengz gung byaek hawj "aen lamz byaek" haeuj cieng cingqciengz.

(Yi Sienghczeng/喻湘泉)

◀Boux gai byaek baij caezcingj gij byaek.

Yungzanh Hai Haw Iq Feihyiz Coux Haicieng

1 nyied 20 hauh, aen haw iq feihyiz "lungz ndei hoh haicieng feihyiz caez cienzciep" youq Liujcouh Si Yungzanh Yen hai haw. Gij lauxsae lwghag laeng Cangzanh Cin Cungh-sinhau baijgai gij ceijraed feihyiz, gij doxgaiq aeu langj san de, gij veh fazlangz daengj, gai

ndaej ngaenz caiq aeu bae bang doengh boux lwgnyez henranz gungzhoj haenx. Hozdung neix hawj vunzlai ndaej yawjraen gij vwnzva feihyiz, dem' ak vwnzva gagsaeng, caemhcai q aeu neix coux haicieng.

(Danz Gaijinhing/谭凯兴
Loz Gezfangh/罗洁芳)



▲Vunzlai youq henzdan genjcawx doxgaiq feihyiz.



▲1 nyied 19 hauh, bouxndaemmak rap mak ok reih.

Lungzswng: Nyaengq Sou Makgam

Seizneix, gij makgam Gveilinz Si Lungzswng Gak Cuz Swciyen haeuj mwh ndaej sou de, vunzmbanj cagaenj mbaet mak, cang yinh, dawz bae gai. Geij bi neix, Lungzswng roengzrengz guh "aen gunghcwngz mak ndei", mboujduenh guhhung guhhoengh aen canjnieb ndaem

mak. Seizneix, daengx yienh ndaem miz 21 fanh moux makgam, youh miz 60 lai aen hozcozse ciennieb ndaem mak, mizyauq coengh boux-ndaemmak demsou, bang saenq-hwng lajmbanj.

(Banh Cisiengz/潘志祥 Mungz Sumeiz/蒙树梅)